

摘藻堂四庫全書薈要

集部

欽定四庫全書薈要卷一萬八千六百五十

集部

御定佩文齋詠物詩選卷二十八

秋類

五言古

雜詩

晉左思

秋風何冽冽白露為朝霜
柔條旦夕勁綠葉日夜黃
明月出雲崖皦皦流素光
披軒臨前庭嗷嗷晨鴈翔
高志局四海塊然守空堂
壯齒不恒居歲暮常慨慷

秋日

晉孫綽

蕭瑟仲秋日，飈唳風雲高。
山居感時變，遠客興長謠。
疎林積涼風，虛岫結凝霄。
湛露灑庭林，密葉辭榮條。
撫菌悲先落，鬱松羨後凋。
垂綸在林野，交情遠市朝。
澹然古懷心，濠上豈伊遥。

秋歌

宋劉鑠

昊天清且高，秋氣發初涼。
白露下微津，明月流素光。
凝煙汎城闕，淒風入軒房。
朱華先零落，綠草就芸黃。
纖羅

還筍篋輕紈改衣裳

秋夜

梁簡文帝

高秋度函谷墜露下芳枝綠潭倒雲氣青山銜月規花
心風上轉葉影樹中移外遊獨千里夕歎誰共知

聘齊秋晚館中飲酒

北周庾信

欣茲河朔飲對此洛陽才殘秋欲屏扇餘菊尚浮杯漳
流鳴二水日色下三臺無因侍清夜同此月徘徊

奉和初秋

庾信

落星初伏火秋霜正動鐘
北閣連橫漢南宮應鑿龍
祥鸞棲竹實靈蔡上芙蓉
自有南風曲還來吹九重

晚秋

庾信

淒清臨晚景疎索望寒階
濕庭凝墜露搏風卷落槐
日氣斜還冷雲峰晚更靈
可憐數行鴈點點遠空排

和潁川公秋夜

庾信

沈寥空色遠葉黃淒序變
洞浦落遵鴻長飈送巢燕
千秋流夕景百籟含宵嘯
峻雉聆金柝曾臺切銀箭

秋日應詔

隋袁朗

玉樹涼風舉金塘細柳萎葉落商飈觀鴻歸明月池迎
寒桂酒熟含露菊花垂一奉章臺宴千秋長願斯

秋日效庾信體

唐太宗

嶺銜宵月桂珠穿曉露叢蟬啼覺樹冷螢火不溫風花
生園菊蕊荷盡戲魚通晨浦鳴飛鴈夕渚集棲鴻颯颯
高天吹氛澄下熾空

山閣晚秋

太宗

山亭秋色滿巖牖涼風度疎蘭尚染煙殘菊猶承露古
石衣新苔新巢封古樹歷覽情無極咫尺輪光暮

秋思

唐
李 白

春陽如昨日碧樹鳴黃鸝蕪然蕙草暮颯爾涼風吹天
秋木葉下月冷莎雞悲坐愁羣芳歇白露凋華滋

秋興

唐
王昌齡

日暮西北堂涼風洗脩木著書在南窗門館常肅肅苔
草延古意視聽轉幽獨或問余所營刈黍就寒谷

秋夜

唐
韋應物

暗窗涼葉動秋齋
寢席單幽人半夜起
明月在林端
一與清景遇
每憶平生歡
如何方惻愴
披衣露更寒

感秋

唐
賈島

商氣颯已來歲華又虛擲
朝雲藏奇峰暮雨灑疎滴
幾蜩默涼葉數蛩思陰僻
落日空館中歸心遠山碧

秋日

唐
溫庭筠

爽氣變昏旦神臯遍原隰
烟華久蕩搖石澗仍清急
柳

閭山犬吠蒲荒水禽立菊花明欲迷棗葉光如濕天籟
思林嶺車塵倦都邑譁張夙所違悔吝何由入芳草秋
可藉幽泉曉堪汲牧羊燒外鳴林果雨中拾復此遂閒
曠翛然脫羈繫田收鳥雀喧氣肅龍蛇蟄佳節足豐穰
良朋阻遊集沈機日寂寥葆素常呼吸投迹倦攸往放
懷志所執良時有東菑吾將事蓑笠

和子俊感秋

元趙孟頫

白露泣然墜草木日以凋閒居無塵雜日薄風翛翛登

高寫我心葵扇欲罷搖感時俯逝水回睇仰層霄松喬
在何許高蹈不可招願言從之遊懷古一何遙

秋

元
張養浩

黃雲亘郊野農力今有功茲乃民之天治理根其中我
雖未及粒已覺飢腸充田頭父老過擊壤今歲豐自愧
無寸積坐享雍熙風秋成既如彼况對菊與楓氣澄天
宇高心寂塵累空木落山獻體波縮沙留蹤遐興何悠
悠迅景何怱怱俯仰田舍底或能保初終

秋日池上

元薩都拉

顧茲林塘幽，消此閒日永。
飄風亂萍蹤，落葉散魚影。
天清曉露涼，秋深藕花冷。
有懷無與言，獨立心自省。

雙寺精舍新秋追和戎昱長安秋夕

元倪瓚

秋暑晚差涼，茗餘眠獨早。
清風振庭柯，寒蛩吟露草。
晨興面流水，西望吳門道。
不知人事劇，但見青山好。

七言古

附長短句

酬司門盧四兄雲夫院長望秋作

唐韓愈

長安雨洗新秋出極目寒鏡開塵函終南曉望踏龍尾
倚天更覺青巉巖自知短淺無所補從事久此穿朝衫
歸來得便即遊覽暫似壯馬脫重銜曲江荷花蓋十里
江湖生目思莫緘樂遊下矚無遠近綠槐萍合不可芟
白首寓居誰借問平地寸步局雲巖雲夫吾兄有狂氣
嗜好與谷殊酸鹹日來省我不肯去論詩說賦相誦誦

望秋一章已奇絕猶言低抑避謗讒若使乘酣騁雄怪
造化何以當鐫劖嗟我小生值強伴怯膽變勇神明監
馳坑跨谷終未悔為利而止真貪饒高揖羣公謝名譽
遠追甫白感至誠樓頭完月不共宿其奈就缺行攖攖

谿晚涼

唐李賀

白狐向月號山風秋寒掃雲留碧空玉煙青濕白如幢
銀灣曉轉留天東谿汀眠鷺夢征鴻輕蓮不語細游溶
層岫迴岑復疊龍苦篁對客吟歌筒

秋意

元馬祖常

銀牀墜露下高桐竹練含冰留麝籠蒲萄酒作瑪瑙紅
湘娥江邊采芙蓉月華流影天漢東素商淒清颺微風
草根知秋有鳴蛩

秋夜三五七言

元鄭允端

風乍起月初陰樹頭梧葉響階下草蟲吟何處高樓吹
短笛誰家急杵擣秋砧

五言律

儀鸞殿早秋

唐太宗

寒驚薊門葉，秋發小山枝。
松陰背日轉，竹影避風移。
提壺菊花岸，高興芙蓉池。
欲知涼氣早，巢空燕不歸。

秋日

太宗

爽氣澄蘭沼，和風動桂林。
露凝千片玉，菊散一叢金。
日岫高低影，雲空點綴陰。
蓬瀛不可望，泉石且娛心。

秋日翠微宮

太宗

秋光凝翠嶺，涼吹肅離宮。
荷疎一蓋缺，樹冷半帷空。
側

陣移鴻影圓花釘菊叢攄懷俗塵外高眺白雲中

奉和山夜臨秋

唐上官儀

殿帳清炎氣輦道含秋陰淒風移漢筑流水入虞琴雲
飛送斷鴈月下淨疎林滴瀝露枝響空濛煙壑深

初秋夜坐應詔

唐楊師道

玉琯涼初應金壺夜漸闌蒼池流稍潔仙掌露方溥鴈
聲風處斷樹影月中寒爽氣長空淨高吟覺思寬

園林秋夜作

唐李嶷

林卧避殘暑白雲長在天賞心既如此對酒非徒然月
色徧秋露竹聲兼夜泉涼風懷袖裏茲意與誰傳

山居秋興

唐王維

空山新雨後天氣晚來秋明月松間照清泉石上流竹
喧歸浣女蓮動下漁舟隨意春芳歇王孫自可留

秋野

唐杜甫

秋野日疎蕪寒江動碧虛繫舟蠻井絡卜宅楚邨墟棗
熟從人打葵荒欲自鋤盤飧老夫食分減及谿魚

其二

禮樂攻吾短
山林引興長
掉頭紗帽側
曝背竹書光
風落收松子
天寒割蜜房
稀疎小紅翠
駐屐近微香

其三

遠岸秋沙白
連山晚照紅
潛鱗輸駭浪
歸翼會高風
砧響家家發
樵聲箇箇同
飛霜任青女
賜被隔南宮

酬蕭二十七侍御初秋言懷

唐郎士元

楚客秋多興
江林月漸生
細枝涼葉動
極浦早鴻聲
勝

賞睽前夕新詩報遠情曲高慚和者惆悵閉寒城

和太常李主簿秋中山下別墅即事

唐
盧綸

清秋來幾時宋玉已先知曠朗霞映竹澄明山滿池葺
橋雙鶴赴收果衆猿隨韶樂方今奏雲林徒蔽虧

和左司元郎中秋居

唐
張籍

自知清靜好不要問時豪就石安琴枕穿松壓酒槽山
情因月甚詩語入秋高身外無餘事唯應筆研勞

其二

閒堂新掃灑稱是蚤秋天書客多呈帖琴僧與合絃莎
臺乘晚上竹院就涼眠終日無忙事還應似得仙

其三

客散高齋晚東園景象偏清明猶有蝶涼冷漸無蟬藤
拆霜來子蝸行雨後涎新詩纔上卷已得滿城傳

秋思

唐
白居易

夕照紅于燒晴空碧勝藍獸形雲不一弓勢月初三鴈

思來天北砧愁滿水南蕭條秋氣味未老已深諳

秋相望

唐元稹

簷月驚殘夢浮涼滿夏衾蠨蛸低戶網螢火度牆陰爐
暗燈花短牀空帳影深此時相望久高樹憶橫岑

晚秋

元稹

竹露滴寒聲離人曉思驚酒醒秋簾冷風急夏衣輕寢
倦解幽夢慮閒添遠情誰憐獨歌枕斜月半窗明

感秋

唐姚倫

試向疎林望方知節候殊
亂聲千葉下寒影一巢孤
不蔽秋天鴈驚飛夜月烏
霜風與春日幾度遣榮枯

和劉補闕秋園寓興

唐朱慶餘

閑園清氣滿新興日堪追
隔水鳴蟬後當檐雁過時
雨餘槐穠重霜近藥苗衰
不以朝簪貴多將野客期

其二

逍遙人事外杖履入杉蘿
草色寒猶在蟲聲晚漸多
靜逢山鳥下幽稱野僧過
幾許新開菊閒從落葉和

其三

留情清景宴朝罷有餘閒蝶散紅蘭外螢飛白露間牆
高微見寺林靜遠分山吟足期相訪殘陽自掩關

其四

深齋嘗獨處詎肯厭秋聲翠篠寒逾靜孤花晚更明每
因逢石坐多見抱書行入夜聽疎杵遙知耿此情

其五

門巷惟苔蘚誰言不稱貧臺閣人下晚果熟鳥來頻石

脈潛通井松枝靜離塵殘蔬得晴後又見一番新

其六

竹逕通鄰圃清深稱獨遊蟲絲交影細藤子墜聲幽積
潤苔紋厚迎寒薺葉稠閑來尋古畫未廢執茶甌

山居秋思

唐周賀

一從雲水住曾不下西岑落木孤猿在秋庭積葉深泉
流通井脈蟲響出牆陰夜靜谿聲徹寒燈尚獨吟

原上秋居

唐賈島

關西又落木心事復如何歲月辭山久秋霖入夜多鳥
從井口出人自岳陽過倚杖聊閑望田家未剪禾

訪秋

唐
李商隱

酒薄吹還醒樓危望已窮江臯當落日帆席見歸風煙
帶龍潭白霞分鳥道紅殷勤報秋意只是有丹楓

早秋山居

唐
溫庭筠

山近覺寒早草堂霜氣晴樹凋窗有日池滿水無聲果
落見猿過葉乾聞鹿行素琴機慮靜空伴夜泉清

旅中早秋

唐 劉 威

金威生止水爽氣徧遙空
草色蕭條路槐花零落風
夜來萬里月覺後一聲鴻
莫問前程事飄然沙上蓬

早秋

唐 許 渾

遙夜泛清瑟西風生翠蘿
殘螢委玉露早雁拂金河
高樹曉還密遠山晴更多
淮南一葉下自覺老煙波

早秋山中

唐 李山甫

誰到山中語雨餘風氣秋
煙嵐出澗底瀑布落牀頭
至

道亦非遠僻詩須苦求千峰有佳景拄杖獨巡遊

秋興寄穎公

唐僧貫休

風聲吹竹健涼氣著身輕誰有閒心去江邊看水行邨
遥紅樹迥野闊白煙平試裂芭蕉片題詩問竺卿

新秋夜雨

僧貫休

夜雨洗河漢詩懷覺有靈籬聲新蟋蟀草影老蜻蜓靜
引閑機發涼吹遠思醒逍遙向誰說時泥漆園經

秋居幽興

宋王禹偁

秋光雖寂莫幽興入詩家
籬暗蛩啼菊園荒蟻上茄
圓
棊知日影理髮見霜華
向曉兒童喜谿僧遺晚瓜

園廬秋夕

宋林逋

蘭杜裊裊香開扉趣自長
寒煙宿墟落清月上林塘
意思殊為適形骸固可忘
援琴有餘興聊復寄吟觴

秋夜

宋葛長庚

有客眠孤館更闌擁紙衾
清風千里夢明月一聲砧
素壁秋燈暗紅爐夜火深
寒猿啼嶺外惹起故鄉心

八月三日即事

葛長庚

煙冷渾沾水谿清可數魚
鴉翻千點墨鴈草數行書
今日征帆下前年上國初
詩盟寒復講無酒興何如

秋到

宋方萬里

秋到山居僻貧無異味
嘗擘黃新栗嫩炊白早秈
香漸減家人病徐添夜氣
涼憑誰理荒穢籬落菊苗
長

秋思

元蕭國寶

閒看浮雲白臨風清且涼
烟林含紫翠霜菊間青黃
遠

浦沈孤鷺荒郊宿野航
心空隨地靜木石自相忘
次韻阿榮存初叅議秋夜見寄

元虞集

寓館城門夕高秋雨露開天
垂華蓋近月轉紫垣來踈
闊思良會淹留到不才
深期謝安石揮麈散風埃

次韻陳剛中待制初秋

元袁桷

岸幘倚書楹寒砧徹四城
馬歸人獨語鴈過月初生
寂寂候蟲急淒淒落葉清
客懷誰與共搔首見參橫

新秋即事

元許有壬

莫蹋蒼苔破茨門
畫亦闌林風秋入樹
波日晚搖山原
野蒼茫外烟霏指
顧間更須安一榻
月夜不須還

次和可翁新秋即事

元許有孚

池亭殘暑去樂事日相關
徑列霜前菊窗招雨後山
好詩來枕上爽氣滿人間
極目崇臺晚遙天一鶴還

五言排律

奉和王相公秋日戲贈元校書

唐
錢起

才妙心仍遠，名疎迹可追。
清秋聞禮暇，新雨到山時。
勝事唯愁盡，幽尋不厭遲。
弄雲憐鶴去，隔水許僧期。
賢相敦高躅，雕龍憶所思。
芙蓉洗清露，願比謝公詩。

江樓早秋

唐
白居易

南國雖多熱，秋來亦不遲。
湖光朝霽後，竹氣晚涼時。
樓閣宜佳客，江山入好詩。
清風水蘋葉，白露木蘭枝。
欲作雲泉計，須憑伏臘資。
匡廬一步地，官滿更何之。

七言律

江南秋日

唐殷文珪

水國由來稱道情，野人經此頓神清。
一篷秋雨睡初起，半硯冷雲吟未成。
青笠漁兒筒釣沒，蓑衣菱女畫橈輕。
冰綃寫上江南景，寄與金鑾馬長卿。

新秋即事

唐皮日休

癡號多于顧愷之，更無餘事可從知。
酒坊吏到常先見，鶴料符來每探支。
涼後定謀清月社，晚來專赴白蓮期。

共君無事堪相賀又到金鑿玉鱸時

和新秋即事

唐
陸龜蒙

聲利從來解破除秋灘惟憶下桐廬
鷓鴣陣合殘陽少
蜻蛚吟高冷雨疎
辨伏南華論指指才非元宴借書書
當時任使真堪笑波上三年學炙魚

晚秋同何秀才谿上

唐
伍喬

閒步秋光思杳然荷藜因共過林煙
期收野藥尋幽路
欲采谿菱上小船
雲吐曉陰藏霽岫
柳含餘靄咽殘蟬

倒尊盡日忘歸處山磬數聲敲暝天

秋懷

宋黃庭堅

秋陰細細壓茅堂吟蟲唧唧昨夜涼雨開芭蕉新聞舊
風撼簷簷宮應商砧聲已急不可緩檐景既短難為長
狐裘斷縫棄牆角豈念晏歲多繁霜

永嘉秋夕

宋陸游

風戰枯桐敲紙窗擁裘無寐夜偏長譙樓三鼓夜將午
雲雁數聲天正霜寓世此身驚逆旅寬懷何處不吾鄉

江頭風景日堪醉
酒美鱗肥橙橘香

秋居寄西里君

宋翁卷

每日看山山上立
滿山風日又秋來
貧家歲計惟收菊
幽徑時常不掃苔
新得酒方思欲試
舊存吟軸見還開
涼天在處清如水
能賦慚無宋玉才

秋夜

宋戴復古

十分秋色滿軒窗
景物淒清夜氣涼
篩月簾櫳金瑣碎
擣霜砧杵玉丁當
井梧葉脫無多影
巖桂花稠不斷香

坐到更深吟興動
硯池滴露寫詩狂

秋夜

元黃庚

博山香冷夜將闌
紅影搖窗燭未殘
庭樹露濃花氣濕
井梧風老葉聲乾
世情冷暖知心少
朋舊東西會面難
一段客愁吟不就
無言背月倚闌干

楚山秋晚

元揭傒斯

山人何處抱琴歸
遙想樓臺隔翠微
老樹風生舟正泊
空山日落雁初飛
豈無賦客能招隱
亦有漁翁醉息機

一幅秋光舒復捲誰教塵土浣人衣

東嶺秋陰

元 吳 萊

幾點晴雲著樹梢寒山蒼莽類城壕雞豚日落聲相接
鸛鶴風涼勢自高小徑殘榛分嶺脊平疇淨綠帶谿毛
朝來雨足多秋意井上無人事桔槔

秋日

元 周 權

石脈泉花蘸眼明竹根沙路舊經行雲歸天際山容澹
日落江頭鴈影橫梧葉庭除秋漸老豆花籬落晚初晴

客程迢遞歸心遠
烟火蒼茫起暮城

東湖秋景

元楊載

暫停麾蓋擁輕舟
此日湖山屬暮秋
采采黃花登几案
離離紅樹散汀洲
傾壺浮蟻杯頻竭
下箸鮮鱗網乍收
莫向錢塘誇往事
白蘇未許擅風流

秋詞

元王逢

香散天街靜玉珂
露臺風殿夜如何
星從河漢淡中落
秋在梧桐疎處多
鸞影不曾離寶鑑
蛛絲先已綴金梭

君王璽館詢遺事，却擬鑾車共載過。

新秋早朝

明王璵

宮井梧桐一葉飛，新涼先到侍臣衣。
蒼龍闕上銀河轉，丹鳳樓頭玉漏稀。
曉仗分行環御輦，夕郎鳴佩出仙闈。
自憐虎觀叨陪從，簪筆慚無補萬幾。

秋日

明居節

槿花委露渚蓮愁，無復紅粧蕩小舟。
濃淡雲山堪入畫，蕭閒門徑自宜秋。
當時載酒人如鶴，昨夜吹簫月滿樓。

鴻鴈欲來江欲冷
白蘋風起思悠悠

五言絕句

秋歌

唐 郭元振

辟惡茱萸囊延年
菊花酒與子結綢繆
丹心此何有

秋夜

唐 耿 漳

高秋夜分後
遠客鴈來時
寂寂重門掩
無人問所思

秋夜寄丘二十二員外

唐 韋應物

懷君屬秋夜
散步詠涼天
山空松子落
幽人應未眠

秋夜

韋應物

高閣漸凝露涼葉稍飄
闌憶在南宮直夜長鐘漏稀

秋山吟

唐施肩吾

夜吟秋山上裊裊秋風歸
月色清且冷桂香落人衣

招東鄰

唐白居易

小榼二升酒新簾六尺牀
能來夜話否池畔欲秋涼

早秋獨夜

白居易

井梧涼葉動鄰杵秋聲發
獨向檐下眠覺來半牀月

孟秋

唐鄭棨

江南孟秋天稻花白如氈素腕慚新藕殘粧妬晚蓮

仲秋

唐沈仲昌

江南仲秋天鱣鼻大如船雷是樟亭浪苔為累石錢

季秋

唐劉蕃

江南季秋天栗實大如拳楓葉紅霞舉蘆花白浪穿

長安秋望

唐杜牧

樓倚霜樹外鏡天無一毫南山與秋色氣勢兩相高

護國寺秋吟

宋 葛長庚

鴈過天成畫，魚驚水作紋。
檐牙宵吐雨，殿脊晚馱雲。

其二

酒弄三竿日，詩成一枕風。
寒聲落鴻雁，秋意著梧桐。

其三

樓影秋江白，苔碑卧夕陽。
水昏沙暮起，一一鴈南翔。

其四

嫩竹容歸雀，寒松捧落暉。
危紅和露滴，空翠撲衣飛。

其五

竹手擎雲重松肩荷月高
煙收天地闊醉目數秋毫

其六

犬吠月如畫馬鳴人渡橋
更無詩與酒虛度可憐宵

其七

香篆孤烟裊燈龕寸火微
夢和明月冷心與白雲飛

其八

星似螢千點雲如鶴一雙
孤吟寒不寐落葉打空窗

京師秋夜

元虞集

風竹撼秋聲天寒夢不成如何今夜月偏照客窗明

西齋秋夜

元僧善住

晚雨過江城西齋秋氣清夢回孤枕上無處不蟲聲

秋夕

僧善住

孤館燈初暗窗虛月正明寒衣猶未補風遞擣砧聲

七言絕句

初秋

唐孟浩然

不覺初秋夜漸長清風習習重淒涼炎消暑退茅齋靜
堦下叢莎有露光

秋詞

唐
劉禹錫

自古逢秋悲寂寥我言秋日勝春朝晴空一雁排雲上
便引詩情到碧霄

其二

山明水淨夜來霜數樹深紅出淺黃試上高樓清入骨
豈如春色使人狂

晚秋閒居

唐
白居易

地僻門深少送迎，披衣閑坐養幽情。
秋庭不掃携藤杖，閑踏梧桐黃葉行。

秋熱

白居易

西江風候接南威，暑氣常多秋氣微。
猶道江州最涼冷，至今九月著生衣。

秋夕

唐
竇鞏

護霜雲映月朦朧，烏鵲爭飛井上桐。
夜半酒醒人不覺，

滿池荷葉動秋風

秋思

唐
王涯

網軒涼吹動輕衣
夜聽更長玉漏稀
月度天河光轉濕
鵲驚秋樹葉頻飛

秋夜曲

王涯

丁丁漏永夜何長
漫漫輕雲露月光
秋逼暗蛩通夕響
寒衣未寄莫飛霜

其二

桂魄初生秋露微
輕羅已薄未更衣
銀箏夜久殷勤弄
心怯空房不忍歸

秋原晚望

唐楊凌

客鴈秋來次第逢
家書頻寄兩三封
夕陽天外雲歸盡
亂見青山無數峰

到秋

唐李商隱

扇風淅瀝簾流瀉
萬里南雲滯所思
守到清秋還寂寞
葉丹苔碧閉門時

秋懷

唐雍陶

古槐煙薄晚鴉愁，獨向黃昏立御溝。
南國望中生遠思，一行新雁去汀洲。

早秋宿田舍

唐曹鄴

澗草疎疎螢火光，山月朗朗楓樹長。
南邨犢子夜聲急，應是欄邊新有霜。

秋日

宋朱子

一雨生涼杜若洲，月波微漾綠谿流。
茅檐歸去無塵土，

淡薄閑花遶舍秋

秋懷

宋劉宰

一抹紅綃日脚霞
千林暮靄納歸鴉
西風卷盡梧桐葉
乞與中庭散月華

早秋

元劉因

昨朝一葉見秋生
今日千巖萬壑清
欲借西風蘇病骨
暫來石上聽松聲

山中秋夜

元黃庚

石牀彈月鶴聽琴玉宇凝秋絕點塵萬里無雲銀漢淡
一天風露濕星辰

初秋夜坐

元趙孟頫

夜深庭院寂無聲明月流空萬影橫坐對荷花兩三朶
紅衣落盡覺風生

秋閨

元元淮

團扇初隨碧簾收畫簾歸燕尚遲留閒階弄影穿明月
笑捻流螢說早秋

秋詞

元 薩都拉

清夜宮車出建章
紫衣小隊兩三行
石闌干畔銀燈過
照見芙蓉葉上霜

秋詞

元 鄭允端

月轉觚稜夜未央
倚牀自炷水沈香
芙蓉小帳雲屏暗
二十五聲秋點長

秋景

明 宣宗

新秋涼露濕荷叢
不斷清香逐曉風
滿目濃華春意

晚霞澄錦照芙蓉

秋行

明
顧源

野菜香粳樂晚年
疎林晴日好秋天
風飄滿耳鳴琴筑
黃葉深窩得晏眠

御定佩文齋詠物詩選卷二十八

欽定四庫全書薈要卷一萬八千六百五十一

集部

御定佩文齋詠物詩選卷二十九

立秋類

五言古

立秋

陳周弘讓

茲辰戒流火商飈早已驚雲天改夏色木葉動秋聲

立秋日曲江憶元九

唐白居易

下馬柳陰下獨上堤上行故人千萬里新蟬三兩聲城

中曲江水江上江陵城兩地新秋思應同此日情

立秋夕有懷夢得

白居易

露簟荻竹清風扇蒲葵輕一與故人別再見新蟬鳴是
夕涼飈起閑境入幽情迴燈見棲鶴隔竹聞吹笙夜茶
一兩杓秋吟三數聲所思渺千里雲水長洲城

立秋日同子澄寺簿及僉判教授二同僚星子

令尹約周君段君同遊三峽過山房登折桂

分韻賦詩得萬字輒成十韻呈諸同遊

宋 朱子

抗塵幾何時猿鶴共悲怨豈知朱墨暇乃適山水願茲
晨秋令初休沐謹邦憲佳賓忽四來英僚亦三勸駕言
北郭門謝此旟隼建散目山崔嵬縱轡路脩曷憑欄快
倒峽躋壑困脫輓追攀林樾深懼喜脚力健登高眺遠
浦衆景爭自獻何必仍丹丘徑欲凌九萬

立秋日早汎舟入郭

明 張羽

連霖啟秋期金氣晨已兆谿雲合餘陰水霞相照耀登

艫泛涼颺乘流駕奔峭迴波蕩塵襟青山列遠眺蒲葢
迷森沈菱荷爭窅窕沙明衆女浣潭淨孤禽嘯端居積
百憂暫出窺衆妙好爵豈不懷衛生乃其要寄謝滄海
人予亦堪同調

立秋後夜起見明月

明
胡宗仁

深夜見明月漸低西南隅光華射虛檐照我牀頭書開
函見細字歷歷如貫珠老眼未能讀惆悵坐庭除風生
梧葉鳴光景殊蕭疎昨方入秋序清涼便有餘

五言律

二十七日立秋夜作

明陳昂

是夜秋相見律歸夸則中草心蒙白露衣領受涼風舞
覺蜻蜓爽聲添蟋蟀工吾其先散髮作賦答天公

立秋後一日助甫見訪

明李先芳

屏居對芳草同病喜相將闌暑人如醉新秋鬢有霜蟲
鳴風雨夕螢點薜蘿牆後夜看牛女還期就一觴

五言排律

立秋日題安昌寺北亭

唐孫逖

樓觀倚長霄，登攀及霽朝。
高如石門頂，勝擬赤城標。
天路雲虹近，人寰氣象遙。
山圍伯禹廟，江落伍胥潮。
徂暑迎秋薄，涼風是日飄。
果林餘苦李，萍水覆甘蕉。
覽古嗟夸漫，陵空愛泐寥。
更聞金刹下，鐘梵晚蕭蕭。

和王卿立秋即事

唐司空曙

秋宜何處看，試問白雲官。
暗入蟬鳴樹，微侵蝶繞蘭。
向風涼稍動，近日暑猶殘。
九陌浮埃減，千峰爽氣攢。
換衣風涼稍動，近日暑猶殘。
九陌浮埃減，千峰爽氣攢。

防竹暮沈果訝泉寒宮響傳花杵天清出露盤高禽當
側并游鮪對憑欄一奏招商曲空令繼唱難

立秋日

司空曙

律變新秋至蕭條自此初花酣蓮報謝葉在柳呈疎澹
日非雲映清風似雨餘卷簾涼暗度迎扇暑先除草靜
多翻燕波澄乍露魚今朝散騎省作賦興何如

七言律

次韻和張道濟長老立秋後作

宋 孔平仲

萬里悄然若有霜
南山秋色兩蒼蒼
已經晚雨驅除熱
更得西風斷送涼
瀚海人空雲弄白
吳江波闊葉吹黃
知君昨夜書帷夢
半在親庭半在鄉

立秋日禱雨宿靈隱寺同周徐二令

宋 蘇軾

百重堆案掣身閒
一葉秋聲對榻眠
牀下雪霜侵戶月
枕中琴筑落堦泉
崎嶇世味嘗應徧
寂寞山栖老漸便

惟有憫農心尚在起瞻雲漢更茫然

立秋日居田園有感

明施漸

霏霏輕靄薄朝暉又見涼颼一葉飛氣早疇官已應閑
天移星火欲流輝黍苗遍野勞歌少杞菊成畦生事微
誰謂門閒可羅雀秋風轉覺雀來稀

七言絕句

立秋

宋范成大

折枝楸葉起園瓜赤豆如珠噉井花洗濯煩襟酬節物

安排笑口問生涯

立秋後三日泛舟越來谿

范成大

西風初日小谿帆
旋織波紋縐淺藍
行入闌荷無水面
紅蓮沉醉白蓮酣

其二


一川新漲慰秋光
挂起篷窗受晚涼
楊柳無窮蟬不斷
好風將夢過橫塘

其三

飯後茶前困思生水寬風穩信篙撐不知浪打船頭響
聽作凌波解佩聲



御定佩文齋詠物詩選卷二十九



總校官庶吉士臣侍朝

校對官中書臣王璵

膳錄貢生臣湯安泰

膳錄貢生臣李杜華

欽定四庫全書薈要

集部

御定詠物詩選卷

三十五
三十六

欽定四庫全書薈要卷一萬八千六百五十二

集部

御定佩文齋詠物詩選卷三十

冬類

五言古

雜詩

晉張華

晷度隨天運四時互相承東壁正昏中固陰寒節升繁
霜降當夕悲風中夜興朱火青無光蘭膏坐自凝重衾
無暖氣挾纈如懷冰伏枕終遙昔寤言莫予應永思慮



崇替慨然獨拊膺

詠冬

晉曹毗

綿邈冬夕永凜厲寒氣升離葉向晨落長風振條興夜
靜輕響起天清月暉澄寒水盈渠結素霜竟欄凝今載
忽已暮來紀奄復仍

感冬篇

晉李顥

高陽攬元轡太皞御冬始望舒游天策曜靈協燕紀

擬孟冬寒氣至

宋劉鑠

白露秋風始秋風明月初明月照高樓露落皎元除迨
及涼風起行見寒林疎客從遠方至贈我千里書先敘
懷舊愛未陳久離居一章意不盡三復情有餘願遂平
生志無使甘言虛

詠冬

宋謝惠連

七宿乘運曜三星與時滅履霜冰彌堅積寒風愈切繁
雲起重陰迴飈流輕雪園林粲斐皓庭除秀皎潔墀瑣
有凝汙達衢無通轍

冬歌

梁武帝

果欲結金蘭但看松柏林經霜不墜地歲寒無異心

冬日見牧羊人擔青草歸

唐張說

塞上綿應折江南草可結欲持梅嶺花遠競榆關雪白
月無他照山川何頓別苟齊西地心天問將何說

負冬日

唐白居易

杲杲冬日出照我屋南隅負暄閉目坐和氣生肌膚初
似飲醇醪又如蟄者蘇外融百骸暢中適一念無曠然

忘所在心與虛空俱

湓浦早冬

白居易

潯陽孟冬月草木未全衰
祗抵長安陌涼風八月時
日西湓水曲獨行吟舊詩
蓼花始零落蒲葉稍離披
但作城中想何異曲江池

孟冬蒲津關河亭作

唐呂溫

息駕非窮途未濟豈迷津
獨立大河上北風來吹人
雪霜自茲始草木當更新
嚴冬不肅殺何以見陽春

冬

元 張養浩

歲晏日南至場圃靡所勞告成三務功盈耳康衢謠鴉
飛嶺外陂虹斷林邊橋將期養疎拙詎厭居寂寥負暄
坐晴檐煦煦春滿袍對山閱吾書懷古酌彼醪此樂天
所靳何幸及草茅雖非鹿門龐或庶彭澤陶為詩寫幽
尚刊落華與豪集以貽知音悵望心搖搖

七言古

迎冬詞

明 石 珪

畫檐小鐵嘶北風疎櫳日影搖輕紅疊綺重茵夜雲暖
博山紫氣飛遙空霜淒落葉護寒井素綆縈紆指尖冷
翠屏東面繡新苔幻出瀟湘美人影日高寶瑟拂朱絲
魚上深潭鵲繞枝十二闌干烟細細伊州一曲譜相思

五言律

孟冬

唐
杜甫

殊俗還多事方冬變所為破柑霜落爪嘗稻雪翻匙
岫寒都薄烏蠻瘴遠隨終然減灘瀨暫喜息蛟螭

初冬旅舍早懷

唐闕名

枕上角聲微離情未息機夢回三楚寺寒入五更衣月
沒棲鳥動霜晴凍葉飛自慚行役早深與道相違

冬日山居思鄉

唐周賀

大野始嚴凝雲天曉色澄樹寒稀宿鳥山迥少來僧背
日收窗雪開爐釋硯冰忽然思故國孤想寓西陵

冬日

唐方干

燒火掩關坐窮居訪客稀凍雲愁暮色寒日澹斜暉穿

牖竹風滿遶庭雲葉飛已嗟周一歲羈寓尚荷衣

冬日寄僧友

唐僧無可

斂履入寒竹安禪過漏聲高松殘葉落深井凍痕生罷
磬風枝動懸燈雪屋明何當招我友乘月上方行

全州冬月陪太守遊池

僧無可

殘臘雪紛紛林間起送君苦吟行迥野投跡向寒雲絕
頂晴多去幽泉凍不聞惟應草堂寺高枕脫人羣

冬晝作

宋孔平仲

霜陰收欲盡斑駁意初晴漸喜山將出只愁雲更生鳥
窺晡後屋雞唱午間城灰拆紅爐火微煎傍耳鳴

冬日雜興

宋張耒

小園晴自掃曝日坐前軒野鼠穿山葉寒鳥啄草根短
籬藩隙地別徑入孤邨幽趣供岑寂淹留不復論

山邨冬暮

宋林逋

衡茅林麓下春色已微茫雪竹低寒翠風梅落晚香樵
期多獨往茶事不全忙雙鷺有時起橫飛過野塘

山中冬日

林逋

南壁蒼崖北窮冬，井落閑風聲先老樹。日色避諸山落雁，飢相向啼鳥夕。自還微微寒月影，蓬戶已深闌。

冬日書懷

宋徐璣

門庭黃葉滿園樹，盡玲瓏寒水終朝碧。霜天向晚紅蔬餐如野寺茅舍近，谿翁非是分囂寂。由來趣不同。

次韻屏翁冬日

宋戴昺

曉起衝寒出霜明，日未晞麥豐來歲本。梅漏早春機水

涸魚深隱蜜成蜂
倦飛靜中叅物理
一一見精微

冬夜早起

元張養浩

推枕人初起
出門星尚存
歲寒郊野闊
天早樹林昏
窗影猶殘月
雞聲已遠邨
孜孜何所事
時取故書溫

初冬作

元方瀾

沈寥蕭瑟後
霽色却怡人
霜已千林曙
天猶十月春
黃花蝶過晚
白葦鴈銜新
野性自夸曠
非關絕世塵

七言律

十二月一日

唐杜甫

今朝臘月春意動雲安縣前江可憐一聲何處送書鴈
百丈誰家上瀨船未將梅蕊驚愁眼更取椒花媚遠天
明光起草人所羨肺病幾時朝日邊

初冬偶作寄南陽潤卿

唐皮日休

寓居無事入清冬雖設尊壘酒半空白菊為霜翻帶紫
蒼苔因雨却成紅迎潮預遣收魚笥防雪先教蓋鶴籠
惟待支硎最寒夜共君披氅訪林公

和初冬偶作寄南陽潤卿次韻

唐
陸龜蒙

逐日生涯敢計冬，可嗟寒事落然空。
窗憐返照緣書小，庭喜新霜為橘紅。
衰柳尚能和月動，敗蘭猶擬倩煙籠。
不知海上今清淺，試與飛書問洛公。

宣義里舍冬暮自貽

唐
鄭谷

幽居不稱在長安，溝淺浮春岸雪殘。
板屋漸移方帶野，水車新入夜添寒。
名如有分終須立，道若離心豈易寬。

滿眼塵埃馳驚去獨尋煙竹剪漁竿

冬日道中

唐伍喬

去去天涯無定期瘦童羸馬共依依暮烟江口客來絕
寒葉嶺前人住稀帶雪野風吹旅思入雲山火照行衣
釣臺吟閣滄洲在應為初心未得歸

冬夜寄溫飛卿

唐魚玄機

苦思搜詩燈下吟不眠長夜怕寒衾滿庭木葉愁風起
透幌紗窗惜月沉疏散未閑終遂願盛衰空見本來心

幽棲莫定梧桐處暮雀啾啾空遶林

初冬

宋陸游

平生詩句領流光絕愛初冬萬瓦霜
楓葉欲殘看愈好梅花未動意先香
暮年自適何妨退短景無營亦自長
况有小兒同此趣一窗相對弄朱黃

成都歲暮始微寒小酌遣興
陸游

草帶頻移紗帽寬茶鐺欲熟篆香殘
疎梅已報先春信小雨初成十月寒
身似野僧猶有髮門如邨舍強名官

鼠肝蟲臂元無擇遇雨猶能罄一歡

閒吟初冬

宋 真山民

一架琴書一筆牀杜門荏苒送年光囊空儘可償詩債
脚倦猶能入醉鄉既老菊花偏耐久未開梅蕊已先香
眼邊管領閒風景不識人間更有忙

東湖冬景

元 楊 載

雲氣低藏十萬家東湖飛雪又交加玉禾舊布仙山種
瓊樹新開帝所花別浦移舟聞過雁高樓凭檻見歸鴉

侯門似有相如客
賸賦篇章與世誇

十二月五日雪晴

元張雨

日光玉潔千峰立
快雪晴時一氣凝
當晝爐亭催掃卷
犯寒魚榜借收冰
松皮石裂號飢鼠
窗隙塵消觸凍蠅
青茁菜芽渾可愛
倩誰春餠捲紅綾

歲暮書齋即事次夕公韻

明錢謙貞

揮戈無力駐殘冬
有客孤吟百事慵
硯水破堅餘滴瀝
筆花開凍任蒙茸
文心老愧殘江錦
詩律人多好葉龍

卒歲優游差自遣
臘醅缸面漸溶溶

五言絕句

冬郊行望

唐王勃

桂密巖花白梨疎
林葉紅江臯寒望
盡歸念斷征蓬

冬歌

唐郭元振

北極嚴氣昇南至
溫風謝調絲競短
歌拂枕憐長夜

孟冬

唐謝良輔

江南孟冬天荻穗
軟如綿綠絹芭蕉
裂黃金橘柚懸

仲冬

唐呂渭

江南仲冬天紫蔗節如鞭海將鹽作雪山用火耕田

季冬

唐丘丹

江南季冬天紅蠟大如偏湖水龍為鏡爐峰氣作煙

冬

金宇文虛中

鵲健呼風急鳥啼促景殘窟深宜兔蟄蒲折蔭魚寒

七言絕句

和襲美初冬偶作

唐陸龜蒙

桐下空階疊綠錢
貂裘初綻擁高眠
小爐低幌還遮掩
酒滴清香似去年

次仲庸初冬即事

宋 裘萬頃

常歲霜天分外晴
一谿如練浸冰輪
今年風雨無寧夜
誰與谿梅作小春

其二

君家秋實洞庭種
小子持來獨未黃
莫作蘓州書後夢
只今正欠滿林霜

冬日早作

裘萬頃

黃昏月姊剪雲開
夜半雷車載雨來
晨起鈎簾望霄漢
風花吹墮萬瑤瑰

冬暖

元胡乘龍

冬令偷春多得暖
灞橋無思可吟詩
江梅一樹都開遍
不問南枝與北枝

冬詞

元郭鈺

疎林晴旭散啼鴉
高閣珠簾窳地遮
為問王孫歸也未

玉梅開到北枝花

御定佩文齋詠物詩選卷三十

欽定四庫全書薈要卷一萬八千六百五十三

集部

御定佩文齋詠物詩選卷三十一

立冬類

七言絕句

立冬

明

王穉登

秋風吹盡舊庭柯
黃葉丹楓客裏過
一點禪燈半輪月
今宵寒較昨宵多

御定佩文齋詠物詩選卷三十一

欽定四庫全書蒼要卷一萬八千六百五十四集部

御定佩文齋詠物詩選卷三十二

冬至類

四言古

晉冬至初歲小會歌

晉張華

日月不留四氣迴周節慶代序萬國同休庶尹羣后奉
壽升朝我有嘉禮式宴百僚繁肴綺錯旨酒泉淳筮鏞
和奏磬管流聲上隆其愛下盡其心宣其壅滯訓之德

音乃宣乃訓配享交泰永載仁風長撫無外

五言古

詠冬至

宋 袁 淑

連星貫初歷令月臨首歲薦樂行陰政登金贊陽滯收
涼降天德萌華宣地惠司瑞記夜晞書雲掌朝誓

冬至

宋 傅 亮

星昴殷仲冬短晷窮南陸柔荔迎時萋芳芸應節馥

冬至應教

北齊 蕭 慤

天宮初動磬緹室已飛灰暮風吹竹起陽雲覆石來拆
冰開荔色除雪出蘭裁慙無宋玉辨濫吹楚王臺

奉和冬至乾陽殿受朝應詔

隋牛弘

恭已臨萬寓宸居御八埏作貢菁茅集來朝圭黻連司
儀三揖盛掌禮九賓虔重欄映如璧複殿繞非煙

奉和冬至乾陽殿受朝應詔

隋

許善心

森森羅陛衛噦噦鏘璫珎禮殫五瑞輯樂闋九功成

五言律

長至日與同舍遊北山

宋 范成大

歲晚山同色，湖平霧不收。
寒雲低閣雪，佳節靜供愁。
竹柏森嚴立，蒲荷索莫休。
瘦筇知腳力，政爾耐清遊。

五言排律

南至隔仗望含元殿爐煙

唐 崔立之

千官賀長至，萬國拜含元。
隔仗爐光出，浮霜煙氣翻。
飄縈內殿漠漠澹，前軒聖日開。
如捧卿雲近，欲渾輪囷灑。
宮闕蕭索散，乾坤願惹天。
風便披香奉至尊。

長至上公獻壽

唐崔琮

應歷三陽首朝天萬國同斗邊
看子月臺上候祥風五
夜鏡初曉千門日正融
玉階文物盛仙仗武貔雄
率舞皆羣辟稱觴即上公
南山為聖壽長對未央宮

冬至夜集曹能始園亭觀伎

明吳兆

佳候要佳麗山齋啟莫扉
入園驚荔發窺瑄見灰飛
梅亂歌中落春爭笑裏歸
橙香寒醕面桂氣暖熏衣
粉壁釵橫影雕窗燭散輝
不堪絃管歇殘月尚棲幃

七言律

小至

唐杜甫

天時人事日相催，冬至陽生春又來。
刺繡五紋添弱線，吹葭六琯動飛灰。
岸容待臘將舒柳，山意衝寒欲放梅。
雲物不殊鄉國異，教兒且覆掌中杯。

和湖州杜員外冬至日白蘋洲見憶

唐李郢

白蘋亭上一陽生，謝朓新裁錦繡成。
千嶂雪銷谿影綠，

幾家梅綻海波清
已知鷗鳥長來狎
可許汀州獨有名
多愧龍門重招引
即拋田舍棹舟行

十一月二十七日冬至

元朱德潤

捲地顛風響怒雷
一宵天上報陽回
日光繡戶初添線
雪意屏山欲放梅
雙闕倚天瞻象魏
五雲書彩望靈臺
江南水暖不成凍
谿叟穿魚換酒來

送朱謝二博士進賀冬至表赴京師聽宣諭畢

還吳

明高啟

驛騎雙馳捧綠章都門逢舊喜洋洋小儒方幸瞻天近
遠使初來賀日長仗下丹墀晴雪盡朝回紫陌曉塵香
承宣歸去難留駐乞報平安到故鄉

至日懷諸太史陪祀南郊

明王穉登

園丘馳道草芊芊曠典重逢御極年聖壽長如南至日
皇恩高似北溟天葭灰應氣迎鄒律松籟含風入舜絃
最羨翰林供奉客揮毫先進慶雲篇

冬至南郊扈從紀述和陳玉壘太史韻

明
于慎行

聖后乘乾奉帝禋日躔南陸協靈辰九闕肅啟天門鑰
萬姓歡隨御輦塵樓雪初融丹禁曉葭灰微動玉衡春
虛慚珥筆親文物實有甘泉賦未陳

其二

絳節氤氲上太清紫烟縹緲冠層城鵷行不動瑤墀影
鳳幄微聞玉藻聲律應一陽璇象轉福凝五位泰階平
禮成回蹕傳行漏百尺華燈闕下明

館課冬至齋居

于慎行

緹室灰飛晷欲長清齋仙館坐焚香
雪殘樓閣虛瓊樹月出簷裾滿玉堂
筆望五雲迎舜日心隨一線入堯裳
明朝負橐趨陪地只有瑤壇帝座旁

冬至恭侍慶成大宴

于慎行

南郊夜燎泰壇煙內殿朝開大慶筵
兩陞衣冠承湛露千門鐘鼓震鈞天
親瞻玉几雲霄上久泛仙盃日月邊
溫旨三傳咸已醉歡聲動地未央前

七言絕句

冬至日獨遊吉祥寺

宋蘇軾

井底微陽回未回，蕭蕭寒雨濕枯荻。
何人更似蘇夫子，不是花時肯獨來。

預作冬至

宋張耒

紫壇曾從莫琳琅，親被天人玉冕光。
今日黃州山下寺，五更聞雁滿林霜。

至節即事

元馬臻

天街曉色瑞烟濃
名紙相傳盡賀冬
繡幕家家渾不卷
呼盧笑語自從容

其二

店舍喧譁徹夜開
熒煌燈火映樓臺
歡遊未曉不歸去
早有元宵氣象來

御定佩文齋詠物詩選卷三十二

欽定四庫全書薈要卷一萬八千六百五十五

集部

御定佩文齋詠物詩選卷三十三

元旦類

四言古

元會詩

魏

曹植

初歲元祚吉日惟良乃為嘉會宴此高堂衣裳鮮潔黼黻玄黃珍膳雜遛充溢圓方俯視文軒瞻仰華梁願保茲善千載為常歡笑盡娛樂哉未央皇室榮貴壽考無

疆

正旦大會行禮歌

晉傅玄

天鑒有晉世祚聖皇時齊七政朝此萬方
鐘鼓斯震九賓備禮正位在朝穆穆濟濟
煌煌三辰實麗于天君后是象威儀孔虔
率禮無愆莫非邁德儀刑聖皇萬邦惟則

上壽酒歌

傅玄

於赫明明聖德龍興三朝獻酒萬壽是膺敷佑四方如

日之升自天降祚元吉有徵

正旦大會行禮歌

晉
荀勗

於皇元首羣生資始履端大享敬御繁祉肆覲羣后爰
及卿士欽順則元允也天子

五言古

附長短句

王公上壽酒歌

晉
荀勗

踐元辰延顯融獻羽觴祈令終我皇壽而隆我皇茂而
嵩本支奮百世休祚鍾聖躬

王公上壽詩

晉張華

稱元慶奉聖觴后皇延遐祚安樂撫萬方

正朝

晉曹毗

靈春散初澤焚燭青陽舒佳袍忽已故今載奄復初軟
節暢宇宙和風被八區

正朝詩

晉王氏

稔冉冥機運迅矣四節經太簇應元律青陽兆初正

元正詩

晉辛氏

元正啓令節嘉慶肇自茲咸奏萬年觴小大同悅熙

奉和元日

北齊

蕭慤

帝宮通夕燎天門拂曙開瑞雲生寶鼎榮光上露臺華
山不凋葉宜城萬壽杯遙見飛鳧下懸知葉縣來

正旦蒙趙王賚酒

北周

庾信

正旦辟惡酒新年長命杯栢葉隨銘至椒花逐頌來流
星向椀落浮蟻對春開成都已噀火蜀使何時迴

奉和從叔光祿愔元日早朝

隋

李孝貞

銅渾變春節玉律動年灰暖暖城霞旦隱隱禁門開衆
靈湊仙府百神朝帝臺葉令雙鳧至梁王駟馬來戈鋌
睽林闕歌管沸塵埃保章望瑞氣尚書滅火災冠冕多
秀士簪裾饒上才誰憐張仲蔚日暮返蒿萊

元日寄諸弟兼呈崔都水

唐
韋應物

一從守茲郡兩鬢生素髮新正加我年故歲去超忽淮
濱益時候了似中秋月川谷風景溫城池草木發高齋
屬多暇怡悵臨芳物日月昧還期念君何時歇

元日同谷子延賦

明

高叔嗣

雄都盛賓客車馬爭馳驚芳辰啓初年宴飲多所務不
知灌園身何為迷方誤郊館抗空壑山扉啓峻路良朋
平生懽就我今朝步城因並舍登徑為穿林度微陰原
上明片日雲中露青霞照深池白雪停幽樹共貪歲欲
新不厭日旋暮農田方在茲君豈數能顧

七言古

癸丑元旦

明

楊基

霏霏元日雪脉脉人日雨春來無日不輕陰薄霧寒雲
滿南浦常年有雨復新晴淑氣韶光淡遶城草色未逢
金勒馬柳條先映玉樓鶯今年風雨兼冰雪忘却春幡
慶春節野杏緘愁待酒催江梅索笑邀人折誰與觀雲
卜大通且須祈穀問年豐相期十二樓前月賸看花燈
萬點紅

五言律

奉和正日臨朝應詔

唐

李百藥

化厯昭唐典承天順夏正百靈警軒禁三辰揚旆旌充
庭富禮樂高譙齒簪纓獻壽符萬歲移風韻九成

奉和正日臨朝

唐
顏師古

七政璿衡始三元寶歷新負宸延百辟垂旒御九賓肅
肅皆鵷鷺濟濟盛簪紳天涯致重譯西域獻奇珍

元日觀朝

唐
厲玄

玉座臨新歲朝盈萬國人火連雙闕曉仗列五門春瑞
雪銷駕瓦祥光在日輪天顏不敢視稱慶拜空頻

己酉元日

宋 陸 游

夜雨解殘雪朝陽開積陰桃符呵筆寫椒酒過花斟岸
柳搖風早街泥濺馬深行宮放朝賀共識慕堯心

歲旦

宋 宋伯仁

居間無賀客早起只如常桃板隨人換梅花隔歲香春
風回笑語雲氣卜豐穰柏酒何勞勸心平壽自長

次韻屏翁新元聚拜

宋 戴 昉

履端來聚拜和氣洽昌辰繁衍如今日栽培豈一人詩

書延澤潤忠厚續長春相祝無多語年新德又新

己酉新正

元葉顥

天地風霜盡乾坤氣象和歷添新歲月春滿舊山河梅
柳芳容穉松篁老態多屠蘇成醉飲歡笑白雲窩

乙亥元日試筆

元張雨

自古三朝節于今一笑看問年書亥字獻歲出辛盤黔
突多蒸朮紅冰賸浴丹行行追勝事步步掃春寒

元日昇平詞

明王英

華蓋中天近祥雲五夜多衆星環絳闕一水接銀河花
滿瀛洲樹香涵太液波長年逢此日恩意共春和

五言排律

元旦

唐太宗

高軒暖春色邃閣媚朝光彤廷飛綵旆翠幌曜明璫恭
已臨四極垂衣馭八荒霜戟列丹陛絲竹韻長廊穆矣
薰風茂康哉帝道昌繼文遵後軌循古鑒前王草秀故
春色梅艷昔年粧巨川思欲濟終以寄舟航

奉和正日臨朝應詔

唐
魏徵

百靈侍軒后萬國會塗山
豈如今睿哲邁古獨光前
聲教溢四海朝宗引百川
鏘洋鳴玉佩灼爍耀金蟬
淑景輝雕輦高旌揚翠煙
庭實超王會廣樂盛鈞天
既欣東日戶復詠南風
篇願奉光華慶從斯萬億年

元日早朝

唐
耿漳

九陌朝臣滿三朝侯鼓賒
遠珂時接韻攢炬偶成花
紫貝為高闕黃龍建大牙
參差萬戟合左右八貂斜
羽扇

分朱檻金爐隔翠華微風傳曙漏曉日上春霞環珮聲
重疊簪纓服等差樂和天易感山固壽無涯渥澤千年
聖車書四海家盛明多在位誰得守蓬麻

元旦書事

明
吳 兆

閩中風景麗元旦百花開有岸皆縈草無波不染苔樹
光搖粉堞雲彩照金罍濃黛新年點春衣隔歲裁夜爐
藏宿火曉燭剪殘灰袖裏分餘蕙釵邊冒落梅松枝當
戶挿椒氣拂窗來正好隨歡笑那知客思催

七言律

奉和庫部盧四兄曹長元日朝迴

唐 韓愈

天仗宵嚴建羽旄，春雲送色曉鷄號。
金爐香動螭頭暗，玉珮聲來雉尾高。
戎服上趨承北極，儒冠列侍映東曹。
太平時節難身遇，郎署何須歎二毛。

元日含元殿下立仗丹鳳樓門下宣赦上相公

唐 楊巨源

天垂台耀掃欒檜壽獻香山祝聖明丹鳳樓前歌九奏
金雞竿下鼓千聲衣冠南面薰風動文字東方喜氣生
從此登封資廟略兩河連海一時清

其二

臨軒啓扇似雲收率土朝天劇水流瑞色含春當正殿
香煙捧日在高樓三朝氣早迎恩澤萬歲聲長繞冕旒
請問漢家功第一麒麟閣上識鄼侯

元日觀朝

楊巨源

北極長尊報聖期周家何用問元龜
天顏入曙千官拜
元日迎春萬物知
閭闔迴臨黃道正
衣裳高對碧山垂
微臣願獻堯人祝
壽酒年年太液池

次韻曾仲錫元日見寄

宋蘇軾

蕭索東風兩鬢華
年年幡勝剪宮花
愁聞塞曲吹蘆管
喜見春盤得蓼芽
吾國舊供雲澤米
君家新致雪坑茶
燕南異事真堪記
三寸黃柑擘永嘉

丙申元日安福寺禮塔

宋范成大

嶺梅蜀柳笑人忙
歲歲椒盤各異方
耳畔逢人無魯語
鬢邊隨我是吳霜
新年後飲屠蘇酒
故事先燃宰堵香
石筍新街好行樂
與民同處且逢場

元日賀裴都事朝回

元李材

海上瓊樓接五城
人間歌吹近蓬瀛
雲移豹尾旌旗暖
日射螭頭劔佩明
拜舞盡隨仙仗入
退歸遙聽玉珂鳴
欣欣百草含春意
得傍東君暖處生

辛酉歲元日

元范梈

西山千仞鬱崔嵬山下樓臺紫翠開玉帛會同來萬國
璣衡懸運屬三台嘗聞海客談金鼎更見祠官進玉杯
慚愧詞臣今白首久無賦頌獻蓬萊

開歲

范梈

自遠北極向南辰重見東皇似故人合席管絃方殿歲
殊鄉花柳覺先春水歸楚澤魚俱化天覆周郊獸亦仁
薄宦于時無補報且須康濟百年身

次韻正旦會朝

元
袁
桷

閭闔春廻旭日鮮花光搖曳珮僊僊金蓮漏下催初刻
玉筍班齊祝萬年香擁袞龍開黼座風廻笙鶴舞鈞天
朝元法曲誰傳得歸醉蓬萊話日邊

元日朝廻

袁桷

萬國梯航滿禁衢卉裳象譯語音殊鳳簫聲送纖腰舞
雉扇行分兩翼趨花氣欲浮金鑿落雲光疑下錦流蘇
詞臣不識金泥秘點指薇垣頌六符

次韻元日朝賀

元
傅若金

宮漏催朝燭影斜
千官鳴玉動晨鴉
交龍擁日明丹宸
飛鳳隨雲繞畫車
宴罷戴花經苑路
詩成傳草到山家
小儒未得隨冠冕
遙聽鈞天隔彩霞

丁亥元日

元張翥

梅花院落雨聲中
窗外春寒淅淅風
臘酒撥醅浮玉蟻
夜燈挑燼落金蟲
星環甲紀驚身老
雪解寅朝驗歲豐
還喜驛書催上路
寸心長在日華東

元日早朝

明李東陽

九門深掩禁城春
香霧籠街不動塵
玉帳寒更傳虎衛
彤樓曉色聽雞人
簾前樂應紅燈起
堦下班隨綵仗陳
朝散東華看霽日
午煙晴市一時新

元旦試筆

明
陳憲章

天上風雲慶會期
廟謨爭遣草茅知
鄰牆旋打娛賓酒
穉子齊歌樂歲詩
老去又逢新歲月
春來更有好花枝
晚風何處江樓笛
吹到東溟月上時

壬寅元旦侍班

明
吳寬

爐煙如霧藹彤墀半啓金門複道危只尺星辰華蓋轉
中間日月袞衣垂普天鳳歷開寅歲平旦雞人報卯時
御座不勝袍笏近侍臣偏識漢朝儀

乙亥元日

明孫一元

元日狂歌倒竹樽東風昨夜到柴門生逢盛世憂何事
家在青山道自尊殘雪疎林開舊色白沙細浪長新痕
春來漫有滄洲興文鵲銀鷄滿釣舫

元旦賜門神掛屏葫蘆等物歲以為常

明
于慎行

節啓青陽歲籥新
金人十二畫為神
韶華自合畱天府
御氣誰期洽近臣
綵勝仍分仙禁縷
雲屏况借漢宮春
却憐寂莫揚雄宅
門巷恩光接紫宸

乙巳元日

明
袁宏道

湖柳侵街水接門
東風纈纈澹微溫
久乘下澤無官韻
乍著紅衫有摺痕
皓首頽頽俱入市
碧芽新鳥又成邨
歸來且坐梅花下
倒却鸞黃四五罇

己卯正旦和韻

明程嘉燧

不嫌朱戶有蒿蓬且喜陽和轉谷中人語半空山殿曉
佛香匝地洞門風酒隨天意畱青縹詩與春光鬪碧紅
況值朋來好乘興肯因凜滑限西東

五言絕句

奉和正日臨朝應詔

唐楊師道

皇猷被寰宇端扆屬元辰九重麗天邑千門臨上春

正朝摘梅

唐張說

蜀地寒猶暖正朝發早梅偏驚萬里客已復一年來

元朝

張說

元日今歲樂不謝往年春知向來心道誰為昨夜人

七言絕句

元日仗

唐
張祜

文武千官歲仗兵萬方同軌奏昇平上皇一御含元殿
丹鳳門開白日明

歲日朝迴口號

唐
杜牧

星河猶在整朝衣
遠望天門再拜歸
笑向春風初五十
敢言知命且知非

元日觀郭將軍早朝

唐
僧靈澈

欲曙九衢人更多
千條香燭照銀河
今朝始見金吾貴
連馬縱橫避玉珂

次韻秦少游王仲至元日立春

宋
蘇軾

省事天公厭兩回
新年春日併相催
殷勤更下山陰雪

要與梅花作伴來

其二

己卯嘉辰壽阿同願渠無過亦無功
明年春日江湖上
回首觚稜一夢中

其三

詞鋒唯作楚騷寒
德意還同漢詔寬
好遣秦郎供帖子
盡驅春色入毫端

御定佩文齋詠物詩選卷三十三

欽定四庫全書薈要卷一萬八千六百五十六

集部

御定佩文齋詠物詩選卷三十四

人日類

五言古

正月七日登高侍宴

北齊

陽休之

廣殿麗年輝上林起春色風生拂彫輦雲迴浮綺翼

和人日晚景宴昆明池

北周

庾信

春餘足光景趙李舊經過上林柳腰細新豐酒徑多小

船行釣鯉新盤待摘荷
蘭皋徒稅駕何處有凌波

人日思歸

隋
薛道衡

入春纔七日離家已二年
人歸落鴈後思發在花前

人日城南登高

唐
韓愈

初正候纔兆涉七氣已弄霽
霽野浮陽暉暉水披凍聖
朝身不廢佳節古所用親交
既許來子姝亦可從盤蔬
冬春雜樽酒清濁共令徵
前事為觴詠新詩送扶杖凌
圯陟刺船犯枯葑戀池羣鴨
迴釋嶠孤雲縱人生本坦

蕩誰使妄倥偬直指桃李闌幽尋寧止重

七言古

軍中人日登高贈房明府

唐 宋之問

幽郊昨夜陰風斷頓覺朝來陽吹暖涇水橋南柳欲黃
杜陵城北花應滿長安昨日寄春衣短翮登茲一望歸
聞道凱旋乘騎入看君走馬見芳菲

五言律

人日剪綵

唐 張九齡

姹女矜容色為花不讓春
既爭芳意早誰待物華真
葉作參差發枝從點綴新
自然無限態長在艷陽辰

人日

唐杜甫

元日到人白未有不陰時
冰雪驚難至春寒花較遲
雲隨白水落風振紫山悲
蓬鬢稀疏久無勞比素絲

新年

宋蘇軾

曉雨暗人日春愁連上元
水生挑菜渚煙濕落梅邨
小市人歸盡孤舟鶴踏翻
猶堪慰寂莫漁火亂黃昏

五言排律

人日立春林民部宅觀伎

明 吳 兆

雙節值新年東風裊伎筵土牛官鼓迓彩燕內人傳杏
子裁衫薄梅花點額圓歌深眉黛蹙酒重臉紅妍香霧
迷窗鳳金屏映柱蓮尚書舊東第賓客喜重延

七言律

人日重宴大明宮恩賜綵縷人勝應制

唐 鄭 愔

瓊殿含光映早輪
玉鑾嚴蹕望初晨
池開凍水仙宮麗
樹發寒花禁苑新
佳氣徘徊籠細網
殘雲淅瀝染輕塵
良時荷澤皆迎勝
窮谷晞陽猶未春

奉和人日讌大明宮恩賜綵縷人勝應制

唐
馬懷素

萬宇千門平旦開
天容辰象列昭回
三陽候節金為勝
百福迎祥玉作杯
就暖風光偏著柳
辭寒雪影半藏梅
何幸得參詞賦職
自憐終乏馬卿才

人日侍宴大明宮應制

唐 趙彥昭

寶契無為屬聖人，
璚輿出幸玩芳辰。
平樓半入南山霧，
飛閣旁臨東墅春。
夾路濃花千樹發，
垂軒弱柳萬條新。
處處風光今日好，
年年願奉屬車塵。

奉和人日重宴大明宮恩賜綵縷人勝應制

唐 崔日用

新年宴樂正東朝，
鐘鼓鏗鏘大樂調。
金屋瑤筐開寶勝，
花牋綵筆頌春椒。
曲池苔色冰前液，
上苑梅香雪裏飄。

宸極此時飛聖藻微臣竊抃預聞韶

人日侍宴大明宮恩賜綵縵人勝應制

唐
李嶠

鳳城景色已含韶人日風光倍覺饒
桂吐半輪迎此夜
蓂開七葉應今朝
魚猜冰凍行猶澀
鶯喜春熙弄欲嬌
愧奉登高搖綵翰欣逢御氣上丹霄

人日重宴大明宮恩賜綵縵人勝應制

唐
李乂

詰旦行春上苑中憑高却下大明宮
千年執象寰瀛泰七日為人慶賞隆
綵鳳曾騫搖瑞雪銅烏細轉入祥風
此時朝野歡無算此歲雲天樂未窮

人日重宴大明宮恩賜綵縷人勝應制

唐
沈佺期

拂旦雞鳴仙衛陳憑高龍首帝城春
千官黼帳杯前壽百福香奩勝裏人
山鳥初來猶怯轉林花未發已偷新
天文正應韶光轉設報懸知用此辰

人日宴大明宮恩賜綵縷人勝應制

唐
李適

朱城待鳳韶年至碧殿疏龍淑氣來寶帳金屏人已貼
圖花學鳥勝初栽林香近接宜春苑山翠遙添獻壽杯
向夕憑高風景麗天文垂耀象昭回

人日

唐
杜甫

此日此時人共得一談一笑俗相看尊前柏葉休隨酒
勝裏金花巧耐寒佩劍衝星聊暫拔匣琴流水自須彈

早春重引江湖興直道無憂行路難

人日即事

唐
李商隱

文王喻復今朝是子晉吹笙此日同舜格有苗旬太遠
周稱流火月難窮鏤金作勝傳荆俗剪綵為人起晉風
獨想道衡詩思苦離家恨得二年中

人日有懷愚齋張兄緯文

金
元好問

書來聊得慰懷思清鏡平明見白髭明月高樓燕市酒
梅花人日草堂詩風光流轉何多態兒女青紅又一時

澗底孤松二千尺殷勤畱看歲寒枝

人日立春

元 趙孟頫

今年人日與春并人得春來喜氣迎宮柳風微金縷重
御溝冰泮玉鱗生陰消已覺餘寒散陽長爭看曉日明
霜鬢綵旛渾不稱強題新句慰羈情

人日書懷

元 元 淮

麗日池塘凍水消嫩紅嬌白見芳苗郊原雪霽東風軟
籬落梅殘碧玉彫便好踏青穿細草不妨攜酒驟鳴鑣

遙憐九曲沙堤畔多少蘓黃上柳條

人日從駕幸南郊梁贊善以詩柬寄因和之

明
胡儼

紫陌雞鳴遠報晨百官朝罷出楓宸
龍旗夾道先傳警鳳輦行春不動塵
禮樂幸逢全盛日耕桑俱是太平人
千門萬戶東風暖勝裏金花剪綵新

人日

明
薛蕙

暉暉晴日透簾帷冉冉和風颭鬢絲
野老自傾田舍酒

故人誰寄草堂詩
即看梅柳春含早
預想鶯花景不遲
旋鬻園蔬辦家釀
剝揀酩酊艷陽時

五言絕句

人日代客子是日立春

唐張繼

人日兼春日長懷復短懷
遙知雙綵勝併在一金釵

七言絕句

人日立春

唐盧仝

春度春歸無限春
今朝方始覺成人
從今克已應猶及

願與梅花俱自新

御定佩文齋詠物詩選卷三十四